



Publicaziuns dalla vischnaunca, jamna 37

Eleccziuns communalas e votaziuns federalas

L'urna principala en casa communalada ei aviarta sco suonda: **Dumengia, ils 25-9-2016, 9.00–11.00**

Remarca: Muort il pign interess da serender la sonda all'urna, ha la suprastonza communalada decidiu d'arver mo pli la dumengia l'urna. Varga 90% dallas votantas e dils votants nezegian la pusseivladad da votar sin via da corrispondenza.

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 23 da settember 2016, allas 17.00**, tier l'administraziun communalada (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** quella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalada saveis Vus tarmetter cun posta (suppli cau da francar) ni directamein fierer en la scaffa da brevs dalla casa communalada.

Ils cedels da votar ston esser sil pli tard la dumengia, ils 25 da settember 2016 allas 11.00 tier l'administraziun communalada.

Aschinavon ch'ei vegn buca risguardau sura instrucziuns da votar, ein ils cedels da votar nun-valeivels.

Suprastonza communalada

Damondas da baghegiar

2016-1052.000

Datum dalla publicaziun: ils 16 da settember 2016

Il patron: Vischnaunca Disentis/Mustér Via Cons 2, 7180 Disentis/Mustér

Il representant: Uffeci da baghegiar Via Cons 2, 7180 Disentis/Mustér

Object: Endrizzar el pistregn ina tualetta publica, parcella 440, Via Mumpé Tujetsch, 7186 Segnas

2016-1053.000

Datum dalla publicaziun: ils 16 da settember 2016

Ils patrons: Marcel Egle Mitteldorf 6, 7427 Urmein e Daniela Bonotto-Egle Pro Sura 2, 7405 Rothenbrunnen

Il representant: Marcel Egle Mitteldorf 6, 7427 Urmein

Object: Sanaziun dil tetg-casa, parcella 3410, Caprau, 7180 Disentis/Mustér

- Ils plans da construcziun ein deponi tier l'administraziun communalada.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 13 da settember 2016

Uffeci da baghegiar Disentis/Mustér

Annunzias per la fiera Sogn Martin

La fiera da Sogn Martin ha liug uonn gliendisdis, ils 14 da november 2016, naven dallas 8.00 entochen allas 17.00. Annunzias per stans da fiera ein da far a scret ni per e-mail cul formular



d'annunzia sut – www.disentis.ch > Uffeci da baghegiar > Downloads – entochen sil pli tard ils 3 d'october 2016.

Annunzias suenter il suranumnu termin san buca vegnir risguardadas.

Nus supplichein Vus da prender enconuschientscha ed engraziein per Vossa capientscha.

Administraziun communal Disentis/Mustér

Taxa da cumpensaziun da pumpiers 2016

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils students ed emprendists sur 21 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **venderdis, ils 30 da settember 2016** all'administraziun communal, caum postal 57, 7180 Disentis/Mustér ni per e-mail (galbin@disentis.ch). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal Disentis/Mustér

Rimnada da pupi

Venderdis, ils 7-10-2016

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e las sondas (10.00–12.00) e buca duront la rimnada. Bien engraziament per Vies agid e sustegn!

Scolas Mustér, Ch. Berger

Alp Cristallina

Radunonza extraordinaria, mardis ils 20-9-2016 allas 20.15 ell'ustria Crestas a Segnas.

Tractandas:

1. Beinvegni
2. Elecziun d'in dumbravuschs
3. Elecziun d'in cassier
4. Varia

A stedia participaziun envida *la suprastonza*

Cuors da seriscuder e prevenziun

Il post da lavur da giuventetgna Cadi organisescha il meins d'october a Mustér ils suandonts cuors da seriscuder e prevenziun per scolaras e scolars dalla Cadi:

- Wen-Do per scolaras dil scalem superiur
- Jiu Jitsu per scolars dil scalem superiur e giuvens ord scola

Las informaziuns en detagl ed il cedel d'annunzia anfleis sin nossa pagina d'internet www.giuventetgnacadi.ch.



Per damondas stein bugen a disposiziun. Il termin d'annunzia ei tochen ils 30 da settember.

Uniun da gimnastica UGM

La gimnastica per seniors e giuvens seniors entscheiva **gliendisdis, ils 26 da settember** allas 20.00 sco usitau el center da sport e cultura. Novits ein cordialmein beinvegni.

Amicabels salids *la suprastonza*

Uniun da dunnas Disentis/Mustér

Fiera da resti d'affons cun stiva da caffè

Buffet da pettas e per ils affons in cantun da termagliar!

Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzers, sézs d'autos e da meisa, crotschas, velos, capellinas, skis, scarsolas eav.

Dunnas che drovan ina nova numera ni han damondas, san prender si contact cun Rosmarie Duff, tel. 081 936 41 14.

Dar giu resti:

Venderdis, ils 23 da settember 2016 allas 16.30–17.00 en halla Cons, Mustér. Adatg: mettei per placher mintga grondezia da resti separau en ina tastga!

Vendita:

Venderdis, ils 23 da settember 2016 allas 19.00–21.00.

Sonda, ils 24 da settember 2016 allas 9.00–10.30 en halla Cons, Mustér.

Retuorn dil resti buca vendiu (minus 20%):

Il resti vegn returnaus e pagaus sonda, ils 24 da settember allas 12.30–12.45. Per uorden che maunca savein nus surpender negina responsabladad.

Kinderkleiderbörse mit Kaffeestube

Kuchenbuffet und für die Kinder gibt es eine Spielecke!

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw.

Frauen, die eine Nummer brauchen oder Fragen haben, können mit Rosmarie Duff, Tel. 081 936 41 14, Kontakt aufnehmen.

Annahme:

Freitag, 23. September, 16.30 bis 17 Uhr in der Turnhalle Cons, Disentis. Achtung: Bitte jede Kleidergrösse separat in eine Tasche verpacken!

Verkauf:

Freitag, 23. September, von 19 bis 21 Uhr,

Samstag, 24. September, von 9 bis 10.30 Uhr in der Turnhalle Cons, Disentis.

Auszahlung (abzüglich 20%) und Rückgabe:

Samstag, 24. September, von 12.30 bis 12.45 Uhr. Für fehlende Sachen können wir keine Haftung übernehmen.

Nus selegrein sin vossa viseta.

Uniun da dunnas Disentis/Mustér,gruppa d'organisaziun fiera da resti



Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia. Als affons vegn purschiu in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschiu caffè, te ed aua.

Datum: **mardis, ils 27 da settember 2016**

Temps: 14.30–16.00

Liug: Casa da scola Segnas, local Artgin

Per ulteriur sclariment saveis Vus contactar Daniela Schmed sut 076 404 82 69

Fiera da Nadal ad Ulm

Communablamein mein nus cul bus d'Armin Bundi alla fiera da Nadal ad Ulm.

Cu: **Venderdis, ils 25 da november 2016**

Partenza dalla staziun Mustér: allas 6.45

Partenza dad Ulm: allas 18.00

Temps da viadi: ca. quater uras (sin viadi dat ei ina pausa da caffè), buc emblidar la carta d'identitad ed euros!

Annunzias entochen ils 30 d'october 2016, tel. 078 673 83 11, Nadja Hosang, e 078 607 36 72, Jeannette Venzin, e-mail: nadjahosang@gmx.ch e venzinjeannette@kns.ch

Weihnachtsmarkt in Ulm

Wir fahren gemeinsam mit dem Bus von Armin Bundi an den Weihnachtsmarkt nach Ulm.

Wann: **Freitag, 25. November 2016**

Abfahrt ab Bahnhof Disentis: 6.45 Uhr

Rückfahrt ab Ulm: 18 Uhr

Fahrzeit ca. vier Stunden (unterwegs Kaffeepause), bitte Identitätskarte und Euro nicht vergessen!

Anmeldung bis 30. Oktober 2016, Tel. 078 673 83 11, Nadja Hosang, und 078 607 36 72, Jeannette Venzin, E-Mail: nadja.hosang@gmx.ch und venzinjeannette@kns.ch